



Pou Piblikasyon Imedya: 07/01/2021

GOUVÈNÈ ANDREW M. CUOMO

DEKLARASYON DIRÈKTÈ KOMINIKASYON AN PETER AJEMIAN KONSÈNAN EFÒ VAKSINASYON KI ANKOУ YO

"Depatman Sante (Department of Health, DOH) Eta a te gen konvèsasyon ak gouvènman lokal yo jodi a pou diskite sou efò vaksinasyon kont COVID ki ankou yo. Pou rezime plizyè pwen nan diskisyon sa yo epi reponn a kèk kòmantè tanpri ou dwe avize konsa:

Règ distribisyon vaksen kont COVID yo te deja klè depi anpil semèn epi nòmalman tout lidè federal ak leta kredib yo te dakò ak yo. Premye priyorite a se "1A", travayè swen sante yo ki devan liy yo. Avèk ogmantasyon to pasyan ki entène lopital yo, nouvo pwopagasyon souch Wayòm Ini (United Kingdom, UK) an ak mank anplwaye nan lopital yo, kenbe lopital yo an fonksyon esansyèl pou evite yon lòt fèmti.

Yon fwa ke travayè swen sante sa yo ki vle aksepte yon vaksen gen opòtinite a, vaksinasyon pase nan kategori "1B" ki gen ladan travayè esansyèl yo ki gen ladan lapolis, ponpye ak Nouyòkè granmoun aje ki gen 75+ ane (ki gen pi gwo to mòtalite nan COVID). Polis yo pa "travayè swen sante" nan objektif 1A yo eksepte sila yo ki EMS oswa EMT. Kòm tout moun konnen, nòmalman chak ofisyè polis resevwa fòmasyon nan reanimasyon kadyorespiratwa (CPR), men sa pa fè yo yon 'travayè swen sante' nan objektif distribisyon vaksen an.

Epitou plan eta a pa pral pèmèt 1B kòmanse sèlman ak lapolis; li gen ladan tou pwofesè yo, ponpye yo ak lòt travayè esansyèl yo ansanm ak Nouyòkè granmoun aje ki gen 75+ ane - yo tout elijib an menm tan. Nou pa, epi ou pa pral pèmèt, yo priyorize yon gwoup sou yon lòt nan 1B a.

Vil New York gen 917,000 travayè swen sante ki elujib nan 1A e li te administre sèlman 144,000 vaksen. Anpil lòt travayè swen sante yo enkyete padan y ap tann vaksen an. Vil New York te resevwa 304,000 dòz kòmanse nan desanm jiska semèn pase a epi li administre mwens pase 50 pouzan. Nou ankouraje Vil New York ak lòt gouvènman lokal yo pou yo vaksine travayè swen sante yo pou evite ewo ki devan liy nou yo tonbe malad ak evite lopital nou yo efondre akòz mank anplwaye k ap ogmante.

Nenpòt gouvènman oswa lopital ki ofri travayè swen sante pa yo vaksen epi ki nan "to refi" yo (yo te ofri travayè yo vaksen an men yo te refize li) ta dwe enfòme DOH epi nou pral redistribiye dòz yo. Nou gen anpil travayè swen sante ki mande vaksen an. Gen

plis pase 1 milyon travayè swen sante ke yo poko ofri vaksen an. Epitou, kòm yon rapèl, iminite an gwoup egzije 70-90% vaksinasyon e nou espere travayè swen sante yo depase to akseptasyon minimòm nan.

Nou tout enkyete pou fè vaksen an rive sou 1B, Nouyòkè ki gen 75 ane yo, ak travayè esansyèl. Sepandan, nou dwe etabli administrasyon konpetan paske si yon gouvènman echwe nan administre vaksen 1A yo, kisa ki kapab fè nenpòt moun panse ke yo ka administre 1B a yon fason konpetan?

Eta a te deja anonse plan pou vaksen 1B a. Kategori 1B a gen ladan apeprè 3 milyon moun nan tout eta a ak eta a pral itilize yon varyete ajans non-gouvènmantal pou administre vaksen sa yo ki gen ladan famasi, rezo doktè prive yo, ak gwoup kominotè k ap sèvi kominote defavorize yo, jan eta a te anonse semèn pase a. Literalman, pral gen dè milye pwen distribisyon nan tout eta a.

Nou ap mande gwo fòs sendika yo tankou lapolis, ponpye ak pwofesè yo pou òganize pwòp pwogram vaksinasyon pa yo, kote sa posib, pou yo retire volim founisè prive yo ak depatman sante yo.

Nou te mande gouvènman lokal yon pou kowòdone ak gwoup sa yo pou detèmine si yo ka "administre pwòp tèt pa yo" oswa itilize pwòp founisè pa yo oswa si yo pral itilize rezo founisè prive a. Ankò pwoblèm prensipal la se pral apwovizyonman Pa egzanp, kategori 1B a gen plis pase 3 milyon moun epi eta a toujou resevwa sèlman 300,000 dòz chak semèn. Genyen tou 1 milyon travayè swen sante 1A ki toujou ap tann vaksen yo. Nou espere ke, nou prevwa yon ogmantasyon nan apwovizyonman federal la nan yon ti tan".

Sa yo se kategori 1A:

https://coronavirus.health.ny.gov/system/files/documents/2021/01/guidance_facilitiesrecievingcovid19vaccineweeks1-5.pdf

Nouyòkè ki kalifye nan Faz 1A yo se:

- Travayè lopital ki gen risk eleve yo (travayè nan sal dijans yo, anplwaye ICU ak anplwaye Depatman pilmonè yo)
- Rezidan yo ak anplwaye nan mezon retrèt yo ak lòt sant swen kolektif yo
- Anplwaye Sant Sante ki Federalman Kalifye yo
- Travayè EMS yo
- Kowonè yo, egzaminatè medikal yo ak kèk travayè finèb yo
- Anplwaye yo ak rezidan yo ki nan etablisman OPWDD, OMH ak OASAS yo
- Founisè Swen Ijan yo
- Moun ki ap administre vaksen COVID-19 yo, ki gen ladan anplwaye depatman sante lokal yo

Apati 4 janvye 2021:

- Tout travayè swen sante pou pasyan ekstèn/anbilatwa ki nan premye liy yo, ki anba gen risk elve, kèleswa laj yo, ki bay swen dirèk pou pasyan an pèsòn yo
- Tout anplwaye ki an kontak dirèk ak pasyan yo (sa vle di, anplwaye akèy yo)
- Tout travayè ki devan liy, travayè sante piblik ki gen riske elve ki gen kontak dirèk ak pasyan yo, ki gen ladan moun ki fè tès COVID-19 yo, sa yo k ap manyen echantyon COVID-19 ak vaksen COVID-19 yo
- Sa gen ladan, men li pa limite ak,
 - Doktè ki travay nan pratik medikal prive ak anplwaye yo
 - Doktè ki travay nan pratik medikal ki afilye ak lopital ak anplwaye yo
 - Doktè ki travay nan klinik sante piblik ak anplwaye yo
 - Enfimyè ki Anrejistre yo
 - Tout kalite pratik medikal espesyalize yo
 - Dantis ak Otodontis ak anplwaye pa yo
 - Sikyat ak Sikològ ak anplwaye pa yo
 - Terapis fizik ak anplwaye pa yo
 - Optometris ak anplwaye pa yo
 - Famasyen ak Oksilyè Famasi yo
 - Travayè swen adomisil yo
 - Travayè Ospis yo
- Anplwaye nan etablisman mezon retrèt yo/etablisman swen enfimye espesyalize yo ki pa te resevwa vaksinasyon COVID la atravè Patenarya Famasi pou Pwogram Swen Alontèm (Pharmacy Partnership for Long-Term Care Program) lan.

###

Lòt nouvèl disponib sou sit www.governor.ny.gov
 Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)